

Бекітемін  
«Армантай» бөбекжай  
балабақшасы меңгерушісі  
Усебова Л.Р.



## Елін сүйген Елбасы



Тәрбиеші: Юнусметова Ш.Р.

Шымкент 2021-2022 жж

Тақырыбы: «Елін сүйген Елбасы»

Ұйымдастырылған оқу іс - әрекеті: Тіл дамыту

Білім беру саласы: «Қатынас»

Мақсаты: Балаларға еліміздің Президентін, рәміздерімізді таныстыру. Өз Отанын, туған жерін сүйуге, қорғауға, сақтауға, құрметтеуге тәрбиелеу. Мәнерлеп тақпақ айтуға үйрету.

Көрнекіліктер: Слайд, үлестірмелі материал, теледидар, суреттер.

Методикалық әдісі: Түсіндіру, көрсету, ойын, сұрақ - жауап, мадақтау

Мотивациялық қозғаушы

Тәрбиешінің іс - әрекеті

Тәрбиеші балалардың назарын өзіне аударып, шаттық шеңберіне шақырады.

- Сәлеметсіңдер ме, балалар!

Үлкенге де сіз,

Кішіге де сіз.

Барша жанды құрметтеп,

Бас иеміз біз.

- Балалар қазір жылдың қай мезгілі?

- Күз мезгілінен кейін қай мезгіл келетінін білесіңдер ме?

- Қыс мезгілі келеді екен.

Қыс мезгілінің ең алғашқы күні бізде үлкен мереке болады. Ол мереке біздің Елбасымыздың құрметіне арналады.

- 1 желтоқсан күнін Президент күні деп атайды. Сендер елбасымызды білесіңдер ме?

- Ал, балалар, көгілдір экранға назар аударайық.

- Балалар, бұл кім?

- Балалар, сендер қандай елде тұрасыңдар?

- Әр елдің өз басшысы болады. Біздің де Елбасымыз бар. Оның есімі Нұрсұлтан Әбішұлы Назарбаев атамыз. Елбасымыз Нұр – Сұлтан қаласында тұрады. Мынау – Нұр-Сұлтан қаласы. Ал мынау балалар, елбасымыздың жұмыс жасайтын орны – Ақорда.

- Балалар елбасымызға арнап тақпағымызды айтайықшы.

Аянат

- Елбасымыз Нұр аға

- Салғызып Алтын орда

- Көркейтіп елін қазақтың

- Көрсетпей өмір азабын.

Алихан

- Қазақ елі – Қазақстан

- Болашаққа үн қосқан

- Жақсы күнге жетелеп

- Елбасым менің – Нұрсұлтан

Талшин

- Жасай бер Қазағым!

- Жасай бер Елбасым!

Нұрторе

- Елімнің елбасшысы

- Нұрсұлтан атамыз аман болсын!

- Отан туралы тақпақ, мақал - мәтелдер білеміз бе?

Амина

- Қуат алған өзінен

- Туған елдің ұлымын

- Бақытты етіп өсірген

- Отанымның гүлімін.

Абуллах:

- Отан – оттан да ыстық

Фаррух

- Отан - елдің анасы

Нұрдәулет:

- Отан – қуат

- Отбасы – шуақ

- Бағдәулет:

- Отансыз адам,

- Ормансыз бұлбұл.

- Балалар, әр елдің өз рәміздері, өз ана тілдері болады.

- Балалар, біз қай тілде сөйлейміз?

- Еліміздің рәміздерін мына көгілдір экран арқылы қарап білейік.

- Балалар бұл біздің мемлекеттік – Әнұранымыз. Ал, мынау – Елтаңба.

Елтаңбаның ортасында шаңырақ бейнеленген. Шаңырақ еліміздің біртұтастығын бейнелейді. Екі жағында қанатты тұлпар мәңгілік өмір, самғау биігі. Шекесінде 5 жұлдыз мемлекетіміздің жарқын болашағы.

- «Қазақстан» атты жазу біздің қазақ екенімізді білдіреді. Балалар туымыздың түсі – көк. Көк түс – адалдық пен тазалықтың, бейбітшіліктің белгісі. Тудың ортасында күн мен қалықтаған қыран құсымыз, оң жағында оюдың суреті бар. Күннің болуы – күндей жарқын болсын, дала бүркіті – дархандық пен қырағылықты бейнелеген.

Оюдың бейнеленуі – қазақ екенімізді білдіреді.

Түстерінің сары болуы – молшылықтың белгісі екен.

- Балалар, рәміздер туралы кім тақпақтар біледі?

Айару:



- Көк аспандай көкпеңбек
- Қазақстан жалауы
- Көк емес ол тектен - тек
- Елдің ашық қабағы.

Айша:

- Елтаңбасы елімнің
- Неткен айбат әдемі
- Тұнығындай көңілдің
- Ортада аспан әлемі.

Сүлейман:

- Құт береке – шаңырақ
- Орын алған – ол төрден
- Қанатты қос арғымақ
- Екі жақтан көмкерген.

Шерзад:

- Тәуелсіздік жолында
- Талай - талай тер тамған
- Билігім өз қолымда
- Еркіндігім – елтаңбам.

Раяна:

- Көк аспанда Нұрлы Күлімдейді далама
- Бақыт тілеп тұр бүгін
- Ол барлық пәк балаға.

Балалар, дидактикалық ойын ойнайық. Ойын: «не жетіспейді?»

Ойын шарты: Балалар мынау не?

Тудың ортасында не жетіспей тұрғанын тауып көріп жабыстырайық.

Мақсаты: Балаларды шығармашылыққа, жылдамдыққа үйрету.

- Балалар, біз нені жабыстырдық?

- Күннің түсі қандай?

- Күннің пішіні қандай?

- Тудың түсі қандай?

- Күнді

- Сары

- Домалақ

- Көк

Сергіту сәті

- Елбасымыз кім?

- Елбасымыздың жұмыс жасайтын орны қалай аталады?

- Біз қай елде тұрамыз?

- Біз бүгін не жабыстырдық?

- Балалар, қазір біз көгілдір экран арқылы елбасшымызға арнап «Нұр - аға» атты әнімізді шырқайық.

- Жарайсыңдар, балалар!

Әрқашан еліміз тыныш, елбасшымыз аман, көк туымыз мәңгі желбірей берсін!

Күтілетін нәтиже:

Білуі керек: Елбасын және елбасы күнін

Үйренуі керек: Рәміздерді құрметтеуді.









